



# Ямде лий

ВЛКСМ МАРОБКОМЫН ОРГАНЖЕ

Адрес: Йошкар-Ола, Совет пöрт, „Ямде лий“ редакций.



## РЕДАКЦИЙЫН КАНАШЫЖЕ

### У ВИЙ ДЕНЕЗШЕ САЙЫН ТУНЕМАШ

Тунемме ийын кок чырыкше пытыш. Аяста ончен налыва, могай вашталышым ме ыштен улына. Ростовский школьнич-шамычын обращенийштым тунемше ден школла шокшын вашлийыч. Сай да отличо тунемшаш верч соревнованийште ончык лекше школла Йошкар знамям учредитлыме нерген луко ВЛКСМ Маробкомын пунчалже тунемше-шамычым чот куандарыш.

Кече еда шуко йоча деч редакцийыш обязательство налме нерген сeryш толалаш тунгалыч. Ме тидлан чот куанышна. Пионер, тунемше - шамыч, шонена, обязательством налыныт гын, уло вийын шукташ пижыт.

Чынак, шукушты тунеммаште шкеныштым сайын ончыктыт. Теве Арбан пелэ кыдалаш школышто

тунемше (Йошкар-Ола район) Коротков Петя, Марий-Кужер пелэ кыдалаш школышто тунемше - шамыч (Морко район) — Александров Ваня ден Иванова Нина, Куккур пелэ кыдалаш школышто тунемше Яндулова Роза (Шернур район) да молат, обязательством шуктенят—нуно отличник лийыныт.

Тыгак шуко школ-шамыч Шенше кыдалаш школ (Морко район), Отымбал—тунгалыш школ (Сотнур р-н) соревнованийште ончык лектыныт, плохо отметкым пытарен шуктенят, дисциплиным кулеш кукшытыш нолталыныт.

Вара чыла школлаштыт тыгак мо? Уке, тыге огыл. Кой-Сола (Шернур район), Пёт'ял (Сотнур район) школлаште тунеммын каче-

ствыже улво шога, дисциплин пеш начар. Тыгак Тошто - Тор'ял кыдалаш школышто да Люльпан пелэ кыдалаш школышто (Оршанке р-н) успеваемость к узышаш олмеш чырык еда вола гына. Тиде велэ огыл, шуко школлаште соревнованийым кагазеш возымо дене шыланеныт. Молан тыге? Овчычак, шукушты мутыштылан оза огытыл. Обязательством налытат, мондат. Моктанын кошташ гына газет гоч увертараш тыршат.

Адак южышты тыге шонат: айда, пытартыш чырык огыл вет, вашкышаш уке. Теве пытартыш чырыккан сай показателем ончыктына. Тыге шонмаш йонылыш. Ончык чырыкласе материалын шинчыде шуаш чырыкшты тунемаш йöсö лнеш.

Садлан мемнан тыгай канашна лиш: коды чырык-лаште мо улыдымыдам кызыктак повтoрятьш тыршыза да пашам вара кодаш ида тунем. Вара кодымаш шкаладат, школладат энгекым конда.

Тунемше-шамычын дисциплин сай, нуно кулешын соревноватлат да ваш-ваш тунеммаштат, моло вереат полшат гын, мутат уке, тудо школышто успеваемость сай. Моло школ тидым ыштен кертат мо? Кертат. Тугеже, аяста у вий дене кумышо чырыкшты эше сайын тунемаш тунгалына.



Суретшты (шола гыч пурлашке) отличо тунемше - шамыч Пиркин И., Бурин А., Дмитриев Ф. (Ронго кыдалаш школ).

## МЕМНАН РОДИНА

### Советский Белоруссийлан 20 ий темын

20 ий ожно, 1919 ий 1 январьшты Советский мланде гыч германский захватчик - шамычым Йошкар Армию покте колтен, тидын деч вара Белорусский ССР-ым почмо.

20 ий жапыште Советский белорусский палыдымашын вашталтын. Чыла пашаштат кугу сөгымашым ыштыме. Республикшты 10 тужем наре колхоз уло. Колхозный пасулаште шуко тужем дене турло ял озанлык машина-шамыч, пашам ыштат. Промышленность чот вияныт. 22 вуз, 20 рабфак, 14 драматический театр уло.



Москвасе СССР Совнарком пöрт. Фото Ф. Кудояровын.

### МОСКВА

Улан, колхозан цышмемын Москва—эн пагалме ола. Туняште волга кече семын Москва—эн пагалме ола.

Йоратыме Сталинын мутшо Тыжечын волнала шарла. Пиал ден куанна пеш шуко Тыжечын волнала шарла.

ИЗИР ЭВАН.

### СССР Куштылго Промышленность Наркомат-ым кок Наркоматлан шелме

СССР Верховный Совет Президиумын Указше почеш СССР Куштылго Промышленность Калык Комиссарнат кок Наркоматлан— СССР Текстильный Промышленность Наркоматлан да СССР Куштылго Промышленность Наркоматлан шелалтын.

СССР Куштылго Промышленность Наркомат С. Г. Лукин йолташым, СССР Текстильный Промышленность Наркомат А. Н. Косыгин йолташым назначитлыме.

### Елка сай эртыш

30 декабрьшты школлаш у ий лумеш елка лие. Елкаш йоча-шамыч шукушты погыненыт ыле. Класс покшелнысе чаплын сылнештарыме елка йыр тунемше-шамыч турло мурым мурен пöртыч. 7-ше классшты тунемше-шамыч шумовой оркестр дене выступатлышт. Туштак почеламутым каласкалышт, мурым мурымаш, йомакым каласкалымаш, модмаш лие.

Торошин Л. М.

Тошто Тор'ял кыдалаш школы 5 „А“ классшты тунемше. У Тор'ял район.

Кужмарий пелэ кыдалаш школышто у ий елка пеш сай эртыш. Елка пеш сора-лын сорагарыме ыле. Елка эртарымек угощений лийын. Тидын деч вара модмаш, куштымаш лийын.

Яковлев А.

Кужмарий пелэ кыдалаш школ, Звенига район.



Домрачева Зоя, У-Тор'ял пелэ кыдалаш школын 6-шо „Б“ классшты тунемше отличниже. Фото С. БАКУЛИНЫН.

### КАЖНЕ ПИОНЕР ЗНАМЯ ВЕРЧ КУЧЕДАЛЫТ

Вожатый Софронова йолташын отрядше (Бассалзевский тунгалыш школ) те-нийсе тунемме ийшты гына почылтын. Туге гынат, отрядше мемнан районшты эн ончык отрядлан шотлатеш.

Первой кече гычак комсомолка Софронова пашам сайын ышташ тунгалын.

Актив сай гын, отряд пашат кулешан ыштат кертеш. Софронованат тугак. Тудо активым сайын тунуктен, нунын пашаштышт эреак полышым пуэн шога.

Отрядын тун задачиже—тунеммашын качествым, трудовой дисциплиным нолташ. Тиде задачым пионер-шамыч шуктат. Мутат уке, тунеммын качествыже 1-ше чырык дене тагастарымаште кўзен. Отряд совет председатель Лоскутов Пашкан чыл предмет деват отличо. Пашка чыла шотыштат сай пример, садлан тудын отрядыштыже шуко ударник улыт.

Пионер плохо отметкым налеш гын, звена тунемак полыш пуаш пижеш. Кажне пионер шке отрядланже ВЛКСМ Маробкомын учредитлыме Йошкар знамям налшаш верч кучедалаш.

Каникул жап нунын план почеш сай эрта. Планым отряд совет пионер-шамыч дене келшен, нунын интересышт почеш ыштен.

Бакулина.

ВЛКСМ Куженер райкомдын пионерский отдел вуйлатыше.

### „Челкаш“ книгам лудам

Каникул жапыштак мый Николай Островскийн „Вурс кузе шуаралтын“ книгажым лудын пытаршым. Кызыт М. Горькийн „Челкаш“ произведенийжым лудам. Егоров А. Шордур пелэ кыдалаш школ, Морко район.



## Иоча - шамыч, тиде статья ача ден аваланда йукын лудса

### СССР Совнарком, ВКП(б) ЦК, ВЦСПС могай пунчалым луктыныт

1938 ий 28 декабрьште СССР Совнарком, ВКП(б) Центральный Комитет да Профсоюзный Союз-шамыч Всесоюзный Центральный Совет трудовой дисциплины упорядочит-лыме, государственный социальный страхований практиком саемдыме да тиде пашаште злоупотреблений - шамыч ваштареш кучедалме шотышто меро-приятый-шамыч нерген пун-чалым луктын.

Мемнан учреждений ден предприятийлаште служа-щий да пашазе-шамыч па-шам кумылым, честне ыш-тат. Но тидын дене пырля пашашке честне огул он-чышо-шамычат ятыр улит. Нуно пашашке вара ко-дын мият, паша годым шерге жапым арам йомда-рат, жап шуде паша гыч каят.

Прогульщик, лодырь, ле-тун кугу энгекым кондат. Тидым шотыш налын, СССР СНК, ВКП(б) ЦК, ВЦСПС лумын пунчалым луктыныт.

Ынде кажне заводшто, учрежденийлаште пенгыде паша дисциплин шындал-теш. Кб неуважительный причин дене пашашке ок-тол гын, паша гыч луктал-теш.

Мемнан элыште паша-кече туняште эн кучыклан шотлалтеш. Производст-вын условияже шот дене мемнан дене 8, 7 да 6 час, шукоже 7 час пашам ыш-тат. Закон почеш тиде ча-сыште пашам турсышты-ман. Законом пударты-шлан взысканий (замеча-ний але выговор, шагалрак туйман вес пашашке куса-рымаш, але изирак пашаш-ке волтымаш) пуалтеш. А кб паша дисциплиным пу-

дырта гын, тудым паша гыч луктыт.

Чыла предприятий, учреждений вуйлатыше-шамыч разгильдяй, про-гульщик, летун ваштареш пенгыдын кучедалшаш улит. Тидым шуктыдмо руководитель-шамыч паша гыч лукмо да судыш пумо марте титаклалтыт.

Ик жап паша ыштен кертдыме енлан пособи-йым тудын предприятий але учрежденийлаште па-шам чарныде ыштыме стаж шот дене тулалгеш. Мут-лан профсоюз член ик ве-рыште 6 ий утла ышта-гын, тудо пашадарын 100 процентым налеш. Ик ве-рыште пашам чарныде ыш-тыме жап 2 ий марте велз-гын, тудо пашадарын 50 про-центным налеш.

Трудовой дисциплиным пудартымо верч, але прес-тупленийым ыштыме верч паша гыч лукмо ен, тугак шкеныштын желанийшт почеш кайше пашазе ден служащий-шамыч ик жап паша ыштен кертдымын пособийым, паша ыштыме у верыште 6 тылзе деч шагал огул паша ыштыме-к гына валын кертат. Прес-тупленийым ыштымын паша гыч лукмо ен-шамыч 10 кече жапыште пачер гыч угаралтшашлык улит.

Завод гыч заводш кошт-шо южо летун-шамыч ида-лыклан кок гана отпускым налеш тбчбывт. Ынде че-ретан отпуск предприятий-лаште 11 тылзе чарныде пашам ыштыме гына пуал-теш. Каныме портыш путе-кым эн ончыч ик верыште 2 ий утла пашам чарныде ыштыме енлан пуат.

Тиде пунчал 1939 ий 1 январь гыч илышыш пура.



Снимкыште: Республиканский армийн боецше - шамыч яра жапышт годым культур порт гыч колтымо газет ден журнал-шамычым лудыт. Фото Союзфотон.

### Испанийсе кресталмаш

Испанийн Кастельда-сенс районышто (Восточ-ный фронт) 3 январьште кресталме годым итальян-ский захватчик-шамыч 2000 энгым утла йомдареныт.

4 январьште итальян-ский войска 60 танк, шуко пушко, самолет-шамыч де-не республиканец шамыч ваштареш кресталыныт. И-тервент-шамыч шуко йом-дарымышым ыштен, изиш ончык каеныт.

Испанский калык мятеж-

ник ден итало-германский захватчик-шамыч ваштареш героически кресталыт. Поб-ла де Гранаделья районыш-то республиканец-шамыч фашист-шамычын атакыш-тым чактареныт. Тушман кугу йомдарымышым ыш-тен.

Кубельс районышто (Ле-риа деч северо-восток могырышто) фашист вой-ска лан наступлашыже эрыкым огул пу.

### Чехословакийн у декретше

Чехословацкий прави-тельство лукмо у декрет-ше государственной аппа-ратын чыла органлашкыже лишыл кок ий коклаште служащий-шамычым при-ниматлаш чара. Мариан удрамаш - шамыч чыланат государственный служба гыч луктын колталыт. Ч-ла категория служащий-шамычын пашадарышт вол-талтеш. Тиддеч посна го-сударственный служащий-шамыч налог, пачер, пен-сий да моло шотышто тур-лб льгот деч лишылталыт. 60 ийым шукгышо чыла

служащий-шамыч, а удра-маш служащий - шамыч 55 ийым шуктыме пенсийыш кусаралтыт. Правительство тугак тиддеч самырык ак ен-шамычымат пенсийыш кусарен кертеш. Тыге "пен-сийыш кусарыме дене" ту-до шканже йблдым чыла служащий - шамыч деч - .ожысо режимын предста-вительже-шамыч деч" ев-рей-шамыч деч утаралт кергеш. "Труд партийня" "Народни праце" газетше правительствын узаконжым пеш чот критиковатла.

### Испанский боец-шамычын героизмышт

Каталонский фронтышто кресталше республиканский боец-шамыч интервент-ша-мыч ваштареш героически кресталыт. Посна боец-ша-мыч ныл гана сусыргыме-кат, позиций гыч каяш от-казеныт. Унтер-офицер Рунс Перес виш верыште ручной пулемет дене шкет кодын улмаш. Но туге гы-нат, тудын позицийым лулдшб фашистский само-лет - истребитель-шамычым покте колтен.

### Интервент-шамычын яныкларымышт

Шукерте огул мятежник-шамычын артиллерийже Ис-панийсе йоча больницым бомбардироватлен. Бомбар-дировка черле - шамычым ончымо годым лийын. 6 кугу ен-шамыч коленыт да 20 черле кийше йоча-ша-мыч сусыргеныт.



Японский захватчик - шамыч мирный китайский калык дене зверья расправитлыт. Сним-кыште: китайский крестьяныкым казнитлымаш.

ТАСС фотохроника.

## МОЛАН КАЛЫК ПЕРЕПИСЬ ЭРТАРАЛТЕШ

Российште калык пере-пись первой 1897 ийыште эртаралтын. Тиде перепись дечын калык лудын. Тунам ен-шамыч перепись дечын турлб семьин коран кодаш тыршеныт.

1897 ийыште эртарыме перепись Российсе калы-кын орланен илымыжым, элын вариш кодыжым он-чыктен. Тунам Россий муч-ко учитель-шамыч 79 туж-зем лийын, а поп, монах да моло-шамыч 295 тужем лийын. Кызыт мемнан элыш-те 950 тужем учитель-ша-мыч шотлалтыт. Тунам ин-женер - шамыч 4 тужем ылыч, кызыт чылаже 600 тужем инженерно-техниче-ский паша-н-шамыч улит.

Советский власть лийме-ке первой гана перепись 1920 ийыште эртаралтын. Тиде переписым Владимир Ильич Ленин ончыкты-мыжо да тудын лично вуй-латымыже почеш эртары-ме. 1920 ийысе перепись партий ден правительств-

лан элыште сар голым сү-мырлен пытыше фабрик, завод, корно-шамычым, ял озанлыкым да молымат строитлаш кўлешан сведе-нийым пуэн.

Кокымшо перепись 1926 ий 17 декабрьште эрта-ралтын. Тиде калык пере-писын материалжым первой сталинский пятилеткын планжым ыштыме годым кучылтмо.

Советский Союзшто ка-лык перепись кумышо га-налан тений 17 январьште тўгалеш. Тудо олааште 17 гыч 23 январь мартен, яллыште 17 гыч 26 январь мартен эртаралтеш. Пере-пись 8 час эрдене тўгалеш, чылаже эл мучко 400 туж-зем счетчик-шамыч пашаш-ке пажыт.

Чыла элым переписной участкылан шеледыме. Каж-ве счетчик шке участкыш-тыже чыла энгым переписы-ватлаш обязан.

Счетчик-шамыч пеш кў-лешан ответственный па-

шам ыштат. Нуно партий ден правительствын пору-ченийыштым шуктат. "Э-шере да эн решающий ка-питал", манын Сталин йол-ташын ойлымо ен-шамычым счетчик-шамыч переписы-ватлаш тўгалыт. Мемнан родинасе кажне граждани-нын, тугак пўгынь пио-нер ден школьник шамы-чын долгышт-сметчик-ша-мычлан пашаштышт пол-шаш.

Полышым кузе пуаш? Перепись годым переписыш логалде ик енланат кодман



Всесоюзный калык перепись-лан лукмо плакат.

огул, кажныже дечын пе-реписной листын 16 вопро-сыжлаа правильный отве-тым налеш кулеш. Пионер-лан нине вопрос-шамычым ончылгочак пален шогы-ман.

Переписной листыш ти-де портышб эреак илыше-шамычым велз огул, а 17 январьлан тиде пор-теш кб малаш кодын гын, тудымат возат. Теве тиде шогышго пионер ден школьник-шамычлан шин-чен лийман: тиде портыш счетчикын переписыватлаш толмыжо голым тыште ма-лыше энгым переписыватлаш ынже мондо, тидым счет-чиклан ушештараш кулеш.

Счетчик кечывалымат, кастенат переписыватлаш тўгалеш. Кастене пычке-мыш. Теве тиде пычкемыш годым пионер-шамыч счет-чиклан ен-шамычын илыме пачерышкышт пурымо ка-литкам, омсам муаш пол-шат гын, сай лиеш.

Калык переписым турис-шуктыме, переписной лист-шамычым (иктж 100 ва-гон дене) Москваш, Ленин-градш, Харьковш кон-дат да лумын ыштыме ма-

шина дене шотлаш тўга-лыт. Шотлея налмеке мем-нан Советский Союзшто-чыла республиклаште, ра-йонлаште, олааште да ял-лаште мынар ен илыме пале лиеш. СССР-ыште мы-нар неграмотн-ий ен-шамыч кодымат пален налына, тыге нуным вашкерак ту-ныктен шукташ лиеш.

Тыгак мемнан элыште мынар пашаз, инженер, учитель, студент, врач, школьник, летчик, тркто-рист, колхозник да моло-шамычат улю раш пале лиеш.

Ик манаш перепись мем-нан великий родина кузе кумшыжо ден виныжым, коммунистический партий да мемнан вождь Сталин йолгаш-ян вуйлатыме почеш советский калыкын ончык каймыже ден кумшыжым пўгынь тунялан ончыкгеи пуа.

Перепись деч вара шот-лея налмаш мемнан госу-дарствылан 3-шо пятилет-кын планжым ышташ пол-ша. П-репись мыланна ком-мунизмом эше вашкерат ышташ полша.



# Бүрүр пионерский шервеште

## Ече, коньки, издер дене мунчалтена

Лагерыште ме коньки, ече, издер дене мунчалтена. Коньки дене мунчалташ катокна уло. А издер дене изи йоча-шамыч мунчалташ путырак куаненит. Нунылан лум курыкым ыштыме.

Ечынат мемнанятыр уло. Эр кочкыш деч вара ме ече дене чодырашке коштына. Юж пеш яндар, шулаш сае. Тыге южышто жапым эртарен коштмаш тазалыккан пеш пайдале. Шодо яндарештеш, вуй кана.

Загайнов Миклай.

## Библиотека уло

Каныме дене пырля ме сылне мутан книга-шамычмат лудына. Книгам шкенан библиотекеште пуат. Тушто ятыр сылне мутан книга-шамыч улыт.

Мый „Путь солдата“ книгам лудын пытарем. Книга сылне, увлекательный. Мыйын йолташем—Загайнов „Мировая война“ книгам лудеш. Мемнан 25-ше коммунатыште илыше-шамыч гыч, чыланат библиотека гыч книгам налыныт. Вет яра жап годым художественный литературм лудаш сай.

Егошин Валя.



Пионер-шамыч вожатый Шуран газет лудмыжым колыштыт.

## Мемнан йоратыме модышна

Ме түрлө интересней модыш-шамыч дене модына.

Пукеным круг дене шындылынат, тушко шинчына. Икен вес коммунатыш кая. А весе иктаж-мом, муглан, вуй шергем налеш да иктаж-кб деран шылта. Шылтымек вес коммунатысе йоча толеш да гармонь, але мурмо йук почеш шылтыме узгарым кычалаш тунгалеш. Тудо кбн деран шылтыме, тудо ег деке толын шуэш гыч, гармоньым вияврак шоктыман, вес ег-шамыч ончылыно коштеда гын эркын кулеш. Тудо узгарым мумек кычалаше шылта, а кб деран шылтыме гын,

тудо вес коммунатыш кая. Теве тиде модыш дене ме кажне кечын модына. Козлова Нина, Васенева Валя.



У журнал толын!

## Йукын лудмашым эртарена

Түрлө увер-шамычым, международный да внутренний положенийым палашлан ме газет-шамычым лудына. Тидын деч посна кажне кастене йукын лудмашым эртарена. Йукын лудмашым культурник Виктор Васильевич Монов эртар. Тудо газетла гыч, журнал гыч түрлө статья-шамычым лудеш. Теве 3 январыште „Колхозные ребята“ газетсые „Дед мороз, дед голод, дед война“ статья лудо. Мемнан тудым колышташ кумылна тарваныш.

Кулалаев Валентин.

Йошкар-Ола гыч поезд 12 километрым каен, станциеш шогалеш. Тиде—Куяр. Тыште чодра ден слав пашаен-шамычын каныме портышт уло. Кызыт тиде каныме портышто теле пионерский лагерь.

Эр зарядке дене юнын лагерный кечышт тунгалеш. Коридор мучко шогалын нуно түрлө упражненим ыштылыт. Зарядке кат-кылым пегыдемда, виярым ышта—тидым йоча-шамыч пеш сай умлат.

Зарядке пытен. Ыде нуным столовый тамле кочкыш дене вашлиеш. Устембалне пеш тамле кочкыш порций-шамыч шинчат. Вот шыл шур, пучымыш, кисель...

Эр кочкышым ыштен, йоча-шамыч ече дөве кожда, пунчер кбргыш каят. Катокышто эреак йук йуан. Изирак йочашт издерым налыт да лум курык гыч мунчалтат.

А теве изи Симан йошкар пусак гыч каймыже ок шу. То гармоньым шокта, то патефоным заводитла.

Рояль воктек удыр шамыч погыненит. Нунат ала



могай муро шокташ тувемит. Иктышт весышт почеш шоктен-шоктен оячат. Теве шахматист-шамыч.

— Ну, мат тылавет!—кывел шогалын пелештыш Вася. Вара фигуржым куле и верыш шыдыш.



„Тачанка“—нунын йоратыме мурышт.

— Эше ик партийым модына мо?—йодо йолташыже.

— Уке, эре шахмат дене модмо ок шу. Айда биллиард дене модына. Вара нуво вес коммунатыш кайышт. Тушто кум мегр кутышан кугу биллиард шогга. Шарже апельсин дечат кугу улыт.

\*\*\*

Кас. Йошкар пусак тугак лушка.

— Хе-хе-хе!—воштылыт йоча-шамыч. Тиде кок сокыр клоун-шамыч икте весыштым кычдышт годым ваш миев перненит. Тыгай весела модыш йоча-шамычлан путырак келшен. Кас еда тиде модыш дене модыт.

Вот тыге лагерник-шамычын кечышт эрта. Кастене лу шагатат пелэ жап шумек эшеат онгыр йук шергылтеш, да йоча-шамыч ласкан малаш возыт.

Йыван Федотов.

Тиде полосасе чыла снимке М. Чуршукowym.



# Александр Невский

Александр Невский—1220-1263 ийыште илыше великий русский полководецлан шотлалтеш. Тудо алын чын эргыже да пламенный патриотшо ыле. Александр Невскийын моштен вуйлатымыже дене шуко чапле сёгымаш-шамыч ышталтыныт. Нева эгер воктеке 1240 ийыште швед-шамычым сёгымашлан тудым "Невский" манын лумденят.

## У киносүрет

Тиде кивосүретыште 1242 ийысе Чудской ер воктеке крдалме событий ончыкталтеш. Тунам русский полк немец-шамычым ий умбалан вашлийын. Тудо крдалмашым истори-ийыште "Ледовое побоище" манят. Крдалмаште Русь сёген. Русский калык русский мландым шупшын налеш тчыш-шамычым шалатен.

Фильм калык герой—Александр да тудын соратникше-шамычым сүретлен ончыкта. Фильмыште пенгыде, строгий Олексейчын (артист А. Абрикосов), весела Василий Буслайын (артист - орденоносец Н. Охлопков), кольчужный мастер Игнатин (заслуженный артист Д. Орлов) элын чын патриотшо улмыштым зритель куанен онча.

Талын крдалме годым Василий Буслай "рыцарь"-шамычын тергыч мучыштарен валме торта дене кыра. Чот ноймек, пуведра гыч, ийым мушкы-

дыжо дене пудыртен вудым йуеш.

Александр Невскийын чапле образшым заслуженный артист, РСФСР Верховный Совет депутат Н. К. Черкасов чаплын ончыктен моштен. Лопка вачан, пенгыде, ушан, весела шивча ончалтышан егтее могай легендарный русский полководецшын образше.



Александр Невский (Республикын заслуженный артистше, орденоносец Н. Черкасов).



Василий Буслай (артист-орденоносец Н. Охлопков).

## „Эчей“ ойлымаш нерген айста канашена



Тений 1 январьыште лекше „Ямде лий“ газетеш „Тый Эчей семын ыштет ыле мо?“ вуймутан статьям печетлыме ыле. Йоча-шамыч, те „Эчей“ ойлымашым адак ик гана сайын лудын лекса да шкендан шонымыдам „Ямде лий“ редакцийыш возен колтыза. „Эчей“ ойлымаш „Ямде лий“ газетын 57, 58, 59, 61 номер-шамычшыже печетлалтын.

Тачысе номереш деткор Иванов Иванын возымыжым печетлена.

Редакций.

## ЭЧЕЙ ПИОНЕРЛА ЧЫН ЫШТЕН

„Ямде лий“ газетеш печетлалтше В. Рожкинын „Эчей“ луман ойлымашыжым сайын лудын лектым. Ойлымашын тун геройжо—Эчей. Тудо пионер, лудымб рвезе.


Мыйын шонымаште, Эчей пеш чын ыштен. Тудо шкенжын ачажымат (Сакарым) чаманен огыл, ачажын тушман пашажым чарашке луктын, колхозын кинды-

жым шолышташ эрыкым пуэн огыл.

Мыят егын титакшым, але шолыштмыв, ушам гын, тунамак кулеш верыш миев каласем.

Йоча-шамыч, тиде шотышто те кузе шонеда, „Ямде лий“ газетеш возмза.

Деткор Иванов Иван. Шернур район.



Порт коклаште, уремлаште  
Кд тынаре перкала?  
Кд тынаре кужу йуд вошт  
Малыдегеч коштеда?

Тиде йушты, йушты толын,  
Шыде йушты кугыза.  
Йоча-влакым лудыкташлан  
Колышса, кузе кыра?

Кд тынаре окналаште  
Сылын-сылын возгален?  
Кд тынаре укшерлашке  
Ший окажым сакален?

Тиде йушты, йушты толын—  
Пеш пашазе кугыза.  
Тудо грамотдан тунемын  
Ончыза, кузе воза?

Мланде мучко лум умбаке  
Чинчым кд тынар шава?  
Кд тынаре эр-эрдене!  
Волгалтен кумда кавам?

Тиде йушты, йушты толын  
Улан йушты кугыза.  
Эр-эрдене! нурыш лектын  
Сыле солыкшым рүза.

Модын йогышо эгерым  
Кд тынаре куварла?  
Чолгыж кийше, чапле ерым  
Кд гын ий ден комыжла?

Тиде йушты, йушты толын  
Поро йушты кугыза.  
Йоча-влакым мунчалташым  
У катокым ямдыла.

КАЗАКОВ МИКЛАЙ.



## Катокышто

Мемнан уло катокна,  
Шийла койын йылгыжеш.  
Коньки дене Вачийна  
Пикшла койын чымалтеш.  
Кажне кечын йоча-шамыч  
Ий умбалне мунчалтат.  
Йоча-шамыч пеш моштен  
Каныш жапын эртарат.  
ИЛЬИН МИША.  
Пёт'ял пелэ кыдалаш школ,  
Сотнур район.

## Ик ойлымашым возем

Мый литератур пашам  
пеш вбратем, салланак  
школысо литературный  
кружокын ик эн тале член-  
же улам.

Каникул жапыште мый  
сылнемутан книга-шамы-  
чым лудынам, ынде ече  
дене ГТО-лан теле нормым

слатлаш ямдылалтам.  
Январь тылзыште лит-  
кружокын сылнемутан  
журналже лектеш. Мый  
тиде журваллан каникул  
жапыште ик сай ойлыма-  
шым возен ямдылем.

Косоротов Миша.  
Тор'ял район, Тошто-Тор'ял  
кыдалаш школ.

## Кд вашкерак пала?

### Шараде-шамыч

Первой слог—  
Вургем мушмо вер,  
Кокымшо—  
Мланде виса.  
Чылаже кугу эгер,  
Европышто йога.

Купсольцев Владимир,  
Шернур район, Купсола ПКШ,  
5 класс.

Тошто ола лумым  
Ешаре ик буква дек.  
Палет шарадемым—  
Мундыр планетым.

Попов Костя.  
Косолапово район, Елеево пе-  
лэ кыдалаш школ.

### Географический йодыш

Советский Союзышто мо-  
гай эгер удырын гай лу-  
ма?

### Калык тушто-шамыч

Йур толеш—куана, лум  
толеш—шортеш.  
(Морко район, Шале ПКШ  
гыч Егоров Василь колтен).

Орва кая, кучаш ок лий.  
(Нурфубал ПКШ гыч Дмитриев  
Владимир колтен).

### Логогриф

Азийысе эгер  
Мый улам.  
Но „г“-м „к“ дене  
Вашталтет,  
Турцийын олашке  
Савырнем.

Токмурзин Володя.  
ТАССР, Буймо кыдалаш школ.

Отв. редактор—  
И. М. МУЗУРОВ.